

# लहना

व्यवसायिक पत्रकारिता, थौया आवश्यकता

LAHANA WEEKLY

वाःपौ

साःगु भिंगु मरिचरिया नितिं  
लुमंका दिसँ ।



लक्ष्मण गजाल 'चिलमि'  
प्रोप्राइटर  
लाखा छँ  
LAKHA CHHEN

सोदरखुटे, वडा नं. १६, येँ, फोन नं.: ४३६०७५८

## थुकि दुने



जनता छर्पे जुयाः देशघातक विरुद्ध वनेमाः  
डी.आर. खड्गी - २



श्री भैरवनाथ व बिस्काः जात्रा  
विनय राजोपाध्याय - ३



सुरु जुल तःमि क्रिकेट धैँबल्ला  
आइपीएल  
प्रजित शक्य - ६



ताम्रकार समाजपाखें जेष्ठ नागरिक अले  
विद्यार्थीतयत सम्मान ज्याइवःया थी थी लू  
पेज ४-५

## स्थानीय विषयया प्रशिक्षण सहायक तालिम

# आधारभूत तर्गिमय् 'येँ देय् म्हसीके' या पठनपाठन

लहना संवाददाता

'जि न्हापा जगतसुन्दर ब्वनेकुथिइ हे ब्वनाम्ह, जि मचाबलयनिसें नेवाः भाय् नवाय् गुलिसें ब्वना व च्वया नं वयाम्ह', यशोदा पन्तं धयादिल, 'भीसं हिन्दी, अँग्रेजीलिसें जापनीज, चाइनीज, कोरीयन भाय् तक' सय् काच्चनागु दुसा नेपाः दुनेया हे भाय् छाय् सय्केमफइ ? 'येँ महानगरपालिका मातहतया सामुदायिक विद्यालयस स्थानीय विषय 'येँ देय् म्हसीके' ब्वकेगु नितिं प्रशिक्षण सहायकया तालिम थौं कन्हय् न्हयानाच्वंगु दु । थीथी खुगू स्कूलय् न्हयानाच्वंगु प्रशिक्षक प्रशिक्षणय् पन्तं भानु मा.वि.इ तालीम कयाच्चनादीगु दु । भानु मा.वि.इ जक स्वयंय्गु खःसां यशोदा पन्त जक मखु, अदृशा चौधरी, उर्मिला विकं नं प्रशिक्षण कयाच्चनादीगु दु । 'जि नं जगतसुन्दर ब्वनेकुथिइ ब्वनावयाम्ह खः, अन ब्वकेगु नं ज्या यानागु दु, न्हापा समुदाय अथवा व्यक्तिगत कुतलं जक जुयावःगु मातृभाषा शिक्षाया अभियानयात स्थानीय सरकारपाखें न्हयःने यंकूगुलिइ जि अतिकं लय्ताः' अदृशा चौधरी धयादिल । अथे हे परोपकार मा.वि.इ सुस्मिता भां प्रशिक्षण कयाच्चनादीगु दु । 'येँ देय् म्हसीके' ब्वकेगु नितिं परिक्षा पास यानाः नां पिहांवःपिलय् वय्कःपिं नं खः ।



'जिमिसं छम्ह न्याम्ह, अले न्याम्हं नीन्याम्हया नीति ज्वनागु दु, ब्वकेगु सामग्री अथवा विधिया विषयस छम्हेसिनं न्याम्हेसित स्यनेगु अले व न्याम्हेसिनं नीन्याम्हेसित व हे सामग्री व विधि थ्यंकेगु योजना कथं थ्व प्रशिक्षक प्रशिक्षण जुयाच्वंगु खः' प्रशिक्षणया संयोजक वरुण प्रसाद वैद्य धयादिल ।

येँ महानगरपालिकां स्थानीय पाठ्यक्रम विकास यानाःलि स्थानीय पाठ्यक्रम थः मातहतया सामुदायिक स्कूलय् ब्वकेत 'येँ देय् म्हसीके' पाठ्यसफू लागू यायधुंकूगु दु । उकिया नापं १७२ प्रशिक्षण सहायकया नां माग याःगु खःसा उकी ५१६ म्हेसिनं आवेदन बिल । उकी १७२ म्हेसित ल्यायाः

ल्यज्याय् लायत ताःलाःपिं सकसितं आः प्रशिक्षक प्रशिक्षण बियाच्वंगु दु । ल्यज्याय् लाःपिं १७२ म्हेसित खुगू पुचलय् ब्वथलाः खुगू हे ब्वनेकुथिइ तयाः प्रशिक्षण बीगु ज्या जुयाच्वंगु दु । डल्लु आवासस्थित गीतामाता मा.वि., लखतीर्थस्थित जगतसुन्दर ब्वनेकुथि, पकनाजोलय् नेपाल युवक

मा.वि., रानीपोखरीस्थित दरवार (भानु) मा.वि., भिंघःत्वालय् च्वंगु परोपकार मा.वि. व कालिमाटीया जनप्रभात मा.वि.इ उगु प्रशिक्षण जुयाच्वंगु खः ।

'जिमिसं छम्ह न्याम्ह, अले न्याम्हं नीन्याम्हया नीति ज्वनागु दु, ब्वकेगु सामग्री अथवा विधिया विषयस छम्हेसिनं न्याम्हेसित स्यनेगु अले व न्याम्हेसिनं नीन्याम्हेसित व हे सामग्री व विधि थ्यंकेगु योजना कथं थ्व प्रशिक्षक प्रशिक्षण जुयाच्वंगु खः' प्रशिक्षणया संयोजक वरुण प्रसाद वैद्य धयादिल । आः न्हयानाच्वंगु प्रशिक्षणय् अप्वः धइथें स्कूल शिक्षकपिं हे दुगु तर स्थानीय विषय ब्वकेगु विधि व सामग्रीइ एकरुपता हय्गु नितिं थुगु तालीम जुयाच्वंगु वय्कलं जानकारी बियादिल । न्हूगु पाठ्यक्रम व न्हूगु विषय जगू लिसें नेपालभाषा माध्यमं ब्वकेगु जगूलिं शुरु शुरुइ विद्यार्थीतयत थाकुइफुगु जुयाः नं आःया नितिं भाषा स्वयां पाठया अर्थ व विषयवस्तुइ जोड बीगु नं वैद्य धयादिल । 'मुख्य छू खँवः थूसां गाः, उकिं हे मेमेगु खँवःया अर्थयात घ्वानायकी, नेवाः भासं ब्वनेत थाकुइ धइगु छगू बिचाः जक खः, व्यवहारीक पक्षय् थ्यनीबलय् थ्व अःपुकेगु ल्याखं नं तालीम जुयाच्वंगु खः' वय्कलं तनादिल ।

ल्यं ७ पेजय्

## करदातायात जागरुक दय्केत 'आनसुकी घरबेटी बा' सडक नाटक



येँ महानगरपालिकां करदातायात कर पुलेगु खँय् सचेतना थनेत 'सडक नाटक' न्हयाकूगु दु । करदातायात कर पुलेगु नागरिक दायित्व थुइकेबीगु लिसें करय् आनासुकीया तक महत्व दइ धइगु सकारात्मक हसना बीत धासें वंगु शुक्रबाःनिसें सडक नाटक न्हयाकूगु खः ।

करया सचेतना थनेत आनासुकी घरबेटी बा 'सडक नाटक' न्हयाकागु येँ महानगरपालिका राजस्व विभाग प्रमुख डा. शिवराज अधिकारी जानकारी बियादिल । 'न्हापागु चरणय् वसन्तपुर, कालिमाटी, कलंकी, चावहिल, गौशाला, न्हू बानेश्वर लिसेंया १० थसय् सचेतनामूलक सडक नाटक क्यने । प्रभावकारी जुल धाःसा मेथाय् नं क्यनेगु तयारी दु' राजस्व विभाग प्रमुख अधिकारी धयादिल । कोभिडया हुनिं न्हयानाच्वंगु आर्थिक दँय् राजश्व मुनेज्या

प्रक्षेपण हे म्ह्वः जक यानागु धासें अधिकारी प्रक्षेपण कथं कर मुंकेगु आज्जुं अभियान न्हयाकागु जानकारी बियादिल । सडक नाटकया बाखंया हसना न्यंकुसें अधिकारी धयादिल, 'कर छुं ई छले याय्फइ, तर छन्हु न छन्हु कानुनया फन्दाय् लाइ । भचा भचा कर पुला वंसा सम्मानजनक जीवन हनेफइ धइगु हसना हे नाटकं बीत स्वःगु खः ।'

वय्कलं कोभिडया हुनिं थुगुसी व्यवसाय करय् २० प्रतिशत व होटल, मनोरञ्जनलिसें पर्यटनलिसे सम्बन्धित क्षेत्रयात ५० प्रतिशत छुट बियागु व सम्पत्ति करय् नं होटलयात असारतक्क ७५ प्रतिशत छुट बियागु जानकारी नं बियादिल । लिसें कोभिडया इलय् लच्छ्या बाः छुट ब्यूपिं छैथुवाःयात असारतक्क करय् १० प्रतिशत छुट बियागु नं धयादिल ।



## सम्पादकीय



## प्रदुषणाय सां नेपा: नम्बर वान जुल खनी

मेमेगु बांला:गु खँय ला नेपा: गबले नम्बर वान जुइफइगु ग्व ? तर बांमला:गु खँय धा:सा न्ह्याबले नम्बर वान का । भ्रष्टाचारय नम्बर वान जुयाच्चंबलय भ्रष्टाचारीतयगु ख्वा: हे मस्व:से कारवाही याय धाइम्ह प्रधानमन्त्री हे उमिगु बचाउ याना: भाषण ब्यू जुइ भीगु देशय । थौ वया: वातावरणीय प्रदुषणया खँय त:धंगु हे प्रगति (?) याना: क्यन । वातावरणीय प्रदुषणया खँय नेपा: नम्बर वान । थ्व खँय न सत्ताय च्वनाच्चिपनिगु न्हाय तपु हे जू थें च्व । अथे जुया: ला वातावरण प्रदुषित जुइमा, कोरोना संक्रमण दर थहांवेनेमा, उमित छुं हे पा:गु मडु । सत्ता ल्यंकेत वा सत्ता ल्हातय लाकेत ल्या:चा: याना: च्वनाच्चंगु दु ।

खतुं लकडाउनया इलय हे वैज्ञानिकतयसं लकडाउन चालेधुंका:लि वातावरणीय सन्तुलन स्यनी धका: धायधुंकूगु ख: । लकडाउनं दक्व सवारी साधन, उद्योग, कलकारखाना बन्द जूबलय प्रदुषण शुन्य प्राय जुयाच्चंगु व लकडाउन चालेधुंका: छक्वलं प्रदुषण अप्बइबलय वातावरणीय सन्तुलन स्यनेफुगु खँय ला वैज्ञानिकतयसं न्हापा हे सजग याकूगु ख: । आ: थायथासय वनजङ्गलय डढेलोया हुनिं निभा: खनेदय थाक्याच्चन, अप्ब: मनुतयत सास: ल्हायत थाकूगु, मिखा पालूगु अनुभव जुयाच्चन । थज्या:गु अवस्थाय सरकारं प्रदुषण नियन्त्रणया निरतिं बिचा: यातं न सवारी साधन, उद्योग, कलकारखाना बन्द यायमालेफु धका: बिचा: यात । छगू ला लकडाउनया हुनिं सकसिया आर्थिक अवस्था स्यनाच्चंगु स्थिती । लकडाउनया नामय लालां दक्व बन्द याना: च्वनेमाल, उकिया लिच्च: आ:तक्क फय मालाच्चन । बल्लतल्ल व्यापार व्यवसायं भचा गति काल ला धइथें जुयाव:गु अवस्थाय सरकारया धा:सा हाकनं बन्द यायगु बिचा: वल । बन्द जुइ, प्रदुषण कुहांवइ, चायकी हाकनं थहांवनी । प्रदुषणया मुख्य कारण डढेलो नियन्त्रणपाखे छु तयारी दु ले ग्व ?

दक्कले न्हापां च्वनाच्चंगु मि स्यायगुपाखे बिचा: यायमाल । निन्हु स्वन्हु न्ह्य:तिनि शिवपुरी नागार्जुन राष्ट्रिय निकुञ्ज दुने च्वनाच्चंगु मि नियन्त्रणय काल । सिम्रिक एअरया हेलिकोप्टरपाखें ल: प्वाका: अनया मि स्या:गु ख: । धायबलय मि स्यायत भीके श्रोतसाधन द हे मडुगु ला मखुत, मध्य:गु जक जुल । उकिया नापं दक्व थासय छक्वलं मि गथे च्यात धइगु न्ह्यसलय न बिचा: याय मा: थें च्व । हरेक डाँडाय धमाधम रिसोर्ट चायकेगु लहर व:गु दु । डाँडाकाँडाय वनजङ्गल सफाचट यायगु अले रिसोर्ट चाय का: व्यापार यायत जक कृत्रिम विपत्ती वयाच्चंगु जक मखुला ? थुखेपाखे छक: न बिचा: याना: समस्याया हाय थ्यंकेमा:गु आवश्यकता दु ।

### त्वमिपिन्त इनाप

लहना वा:पतिइ लेख, रचना, रिपोर्ट व समाचार छ्वयादीफइ । छिकपिसं छ्वयादीगुयात थुगु वा:पतिइ थाय बिचाच्चना । पिदंगु च्वसुयात उचित पारिश्रमिक बीगु न सुचं बिचाच्चना ।

लहना वा:पौ

भोछें, यें

lahana.news@gmail.com

## जनता छपुं जुया: देशघातक विरुद्ध वनेमा:

भीगु देश न बर्बाद जुयाच्चंगु कारण धइगु छखे पार्टीया नेतात स्वार्थी, लोभी जुया: ख:सा मेखे विदेश दलाल जुया: नं ख: ।



डी.आर. खरिजी

भीगु देशया राजनीति विकृत जक मखु, अति विकृतिया अवस्थाय वनाच्चंगुलिं याना: दे जक बर्बाद जुयाच्चंगु मखु, बहुसंख्यक जनता भन भन कंगाल जुया वनाच्चंगु दु । विकृतीया मूल कारण छु ख: धइगु मालेगु कुत: छक: याय ।

देशय यक्व राजनीतिक पार्टीत दु । उगु पार्टीइ आवद्ध अति हे नकारात्मक सोचं ग्रष्ट जुयाच्चिपं जातीतयसं राजनीतियात न्ह्याकाच्चंगुलिं याना: आ: थथे जुयाच्चंगु ख: । वास्तवय पार्टी धयागु ला छगू बांला:गु शैक्षिक संस्था थे जुइमा:गु ख: । गथे शिक्षित अले विवेकी सक्षम व्यक्ति तयार याना: देश सेवा याकेगु मौका बीगु शैक्षिक संस्थातय

हाडीगाउंमा ।' थ्व उखान हाडीगामय जक मखु, देशया समग्र राजनीतिइ चरितार्थ जुयाच्चंगु खनेदयाच्चंगु दु । भीसं स्वयधुन, नेपा:या उच्च पद (सभासद) य लाकां सुइपिं, चुरा मीपिं, वस: सुइपिं, चिप सिला: जिवीका न्ह्याकाच्चिपिं जक मखु, अफ अपाङ्गता जूपिं मनुत तकं थ्यनाच्चंगु स्वयत नेपा:या जनता बाध्य जुल । अज्या:गु वर्ग वा जातित सभासद पदय थ्यंकेमज्यू धाय त्यनागु मखु । देशया उच्च पदय सक्षम व विवेकीतयत छ्व:सा उमिगु जक मखु देशयानं कल्याण जुइ जक धायत्यनागु ख: । नेपा:या सविधान सभाय अशिक्षित, अनुभव हे मडुपिन्त पार्टीया नेतातयसं सभासदया रूपय छ्वया: नेपा:या राजनीतियात हे दुषित यानाच्चंगु दु । वास्तवय धायगु ख:सा नेपा:या राजनीति खयलय ९० प्रतिशत असक्षम व गुन्डागर्दीया राजनीति याइपिं जक सकय जुयाच्चंगु दु । देशया उच्च पदय असक्षम, लोभी, स्वार्थी जक मखु, दलालत न अप्ब: थ्यनाच्चंगुलिं उमिसं छुं ज्या याय मफयाच्चंगु ख: । स्वार्थी, लोभी व भिजन मडुपिन्सं पार्टी न्ह्याकाच्चंगु कारण हे देय्या अवस्था भयावह जुयावनाच्चंगु ख: । अफ नेपा:या खस ब्रम्हूत जक मखु,

देश संचालन याइ । धनी देयू जूसां छाय जम्बो मन्त्रीमण्डल दयका: संख्या अप्ब: तयगु ज्या मयात ? भीगु देशया नेतातयसं बिचा: यायमा:गु ख: । जम्बो मन्त्रीमण्डल गठन याना: जक देय्या प्रशासन सहज रूप न्ह्याके फइमखु । देश सुचारु रूप संचालन याना: उन्नति व बिकासया लंपुइ यंकेत ला चेतनशील दिमागया आवश्यकता दु । यदि सक्षम, विवेकी, देशभक्त नेतातयसं पार्टी संचालन या:गु ख:सा, अथे धयागु सक्षम व विवेकीया ल्हातय देश संचालन यायगु मौका वल धा:सा याउंके हे देश विकास याना: क्यनाबी । यूरोप व अमेरिकाय मन्त्रीमण्डल जक मखु, सल्लाहकारया नापनापं प्रशासनया इकाइलय नं सक्षम, विवेकी मनुत दइगु जूगुलिं असक्षम व अवसरवादीतयत देयू या उच्च पदय, प्रशासनिक क्षेत्रय गबले नं अवसर बीगु ज्या याइमखु । उकिं याना: जनता पार्टीतयत विश्वास यानाच्चनीगु ख: । पार्टी नं जनताया विश्वासयात ध्यानय तया: ज्या यानाच्चनी । यूरोप व अमेरिकाय जक मखु विश्वया आपालं देशय नेता व कार्यकर्तात यक्व दयाच्चनी । पार्टीया नेता बांला:पिं वा बांमला:पिं धयागु व इलय प्रष्ट जुइ, गुगु इलय सक्षम, विवेकी व इमान्दार



देश सुचारु रूप संचालन याना: उन्नति व बिकासया लंपुइ यंकेत ला चेतनशील दिमागया आवश्यकता दु । यदि सक्षम, विवेकी, देशभक्त नेतातयसं पार्टी संचालन या:गु ख:सा, अथे धयागु सक्षम व विवेकीया ल्हातय देश संचालन यायगु मौका वल धा:सा याउंके हे देश विकास याना: क्यनाबी ।

धर्म ख:, व थें तुं राजनीतिक पार्टीतयसं न थ:गु पार्टीया सिद्धान्तयात आधार कया: सक्षम व्यक्ति तयार याना: देश सेवा याकेगु मौका बीमा:गु ख: । विकसित देयू या पार्टीतयसं थ: कार्यकर्तातयत सक्षम, इमान्दार दयका:, सेवाया भाव विकास याना: देश सेवा यायगु मौका बीगु ज्या यानाच्चनी । दसुया लागिं चीनया पार्टी कार्यकर्तातयसं देश बिकासया लागिं त:धंगु योगदान बियाच्चंगु दु । तर अ:ख: भीगु देशया पार्टीत पार्टीया रूपय विकास जुइफुगु मखु । मात्र छगू समूह अथवा कम्पनीया रूपय जक न्ह्या:वनाच्चंगु दु । थ्व हे कारण याना: गथे समूह वा कम्पनीतयसं थ:गु स्वार्थया लागिं जक ध्यान केन्दीत यानाच्चनी, अथे हे, भीगु देशया फुक्क धयाथें पार्टीत थ:गु स्वार्थ पूर्तिया लागिं जक ध्यान केन्दीत यानाच्चंगुलिं देश व जनता बर्बादीपाखे वनाच्चंगु ख: ।

छगू धापू दु, 'कहिं नभएको जात्रा,

बिहारीतयसं न नेपा:या नागरिकता कया: राजनीतिइ दुहां वयाच्चंगुलिं न देश भन भन बर्बाद जुयाच्चंगु ख: धइगु खँ नं प्रष्ट जुयाच्चंगु दु । देशया लागिं बिडम्बना थ्व नं ख: कि देशया मन्त्री जुइत अथवा सभासद जुइत शिक्षित वा राजनीतिक रूप परिपक्व जुइमा: धयागु मडु । खाली पार्टीया सदस्यता कया: दादागिरी, गुन्डागर्दी यायफय मा: । वया नापनापं पार्टीयात माक्व चन्दा बी फयकेमा: । थुलि यायफत धा:सा वया ला पदय थ्यंकेत सुनां पनी ? थथे जूगुलिं हे नेपा:या राजनीति खयलय उच्च उच्च पदय आपराधिक गतिविधि न्ह्याकाच्चिपिं, माफिया, विदेशी मूल्या नागरिक व दलाल पुँजीपतित याउंके उच्च पदय थ्यनाच्चंगु दु ।

भीसं खनाच्चनगु दु, अमेरिका लगायतया पश्चिमा देयूत धनी जूसां उमिसं मन्त्रीमण्डल गठन याइबलय तसकं म्हव: जक संख्याय मनुत तयगु याइ । करीब १४-१५ म्हया ल्याखय मन्त्रीमण्डल गठन याना:

नेतातयसं देश सेवा यायगु मौका वइ । व इलय देश व जनताया कल्याण यायगु लागिं ज्या यात धा:सा जनता बांला:पिं नेतातयत वाह वाह याना: अति श्रद्धाभाव तया: स्वयगु यानाच्चनी, यदि गद्दार नेतातयगु ल्हातय सत्ता वल धा:सा जनता अज्या:पिं नेतातयत थु थु याना: घृणा यानाच्चनी । अज्या:पिं नेतातयत लोभी, स्वार्थी, दलाल जुया: देश व जनतायात बर्बाद यानाच्चनी । विश्वया आपालं देशय विकास मजगु कारण नेतात असक्षम, विवेकहीन जूगुलिं ख: । अज्या:पिं मनुतयगु ल्हातय देशया सत्ता लानाच्चंगुलिं हे देश बर्बाद जुयाच्चंगु ख: । विशेष याना: अफ्रिका व एशियाया अप्ब: धइथें देश बर्बाद जुयाच्चंगु कारण नं असक्षम, अविवेकी नेतातयसं विदेशीया ईशाराय देश संचालन यानाच्चंगु कारण हे ख: । भीगु देश न बर्बाद जुयाच्चंगु कारण धइगु छखे पार्टीया नेतात स्वार्थी, लोभी जुया: ख:सा मेखे विदेश दलाल जुया: नं ख: ।

# श्री भैरवनाथ व बिस्का: जात्रा

भैरवनाथया व हे छ्यं धका: विश्वास यानातःगु द्यः तःमारिइ आःतकं दनि । अले बिस्का: जात्रा स्वःवःम्ह उम्ह हे भैरवनाथ भाःपा: ख्वपमितयूसं थौतलें पूजा नं यानावःगु दु । ख्वपया तःमारिइ न्यातपौ देगः लिक्क च्वंगु स्वतजाःगु प्यागोडा शैलीया देगलय् बिराजमान थ्व हे श्री भैरवनाथया छ्यं खः ।



विनय राजोपाध्याय

नेवाःतय् तजिलजिया ला छु खँ ल्हाय्, गुलि जक खँ ल्हाय् । भूग तजिलजिया बारे भी नेवाःत स्वइत कनेमाली धकाः, जबकि हलिन्यक नेपाः देय्या म्हसिका हे नेवाः तजिलजि जुयाच्वंगु दु । थनया थीथी जात्रापरव, नखःचखः, पुँसा, नसा आदिया विशिष्टतां नेपाःया म्हसिका बियाच्वंगु दु । अथे जुयाः ला थौतलें नेवाः व नेपाः थवथवय्या पर्याय जुयाच्वंगु दु ।

स्वनिगः दुने थीथी जात्रापरव जुइ । वमध्ये स्वंगू शहरया प्यंगू रथजात्राया तःधंगु महत्व दु । यलया बुंगःद्या जात्रायात देय्या हे दक्कले तःहाकःगु रथजात्राया रुपं कयातःगु दु । अथे हे, येँया जनबहाःया रथ जात्राया महत्व नं म्हवः मजू । उकिया नापं जीवित द्यःयात रथय तयाः जात्रा जुइय् येँयाःया कुमारीया रथजात्रा स्वयत ला देय् दुनं जक मखु, देश पिनं हे विदेशी पर्यटकत नेपाः थ्यंकेगु याः । व हे कथं रथयात न्हयःनं नं ल्यूनं नं सालीगु छगू हे जक रथ जात्रा ख्वपया बिस्का: जात्रा खः ।

बिस्का: जात्रायात बारे थीथी खँ दु । विश्वकेतुया अपभ्रम्स जुयाः बिस्केत जूगु व उकिं हे बिस्का: जूवंगु नं धाय्गु याःसा बि (सर्प) सिकाःलि याःगु जात्रा बिसिका: जात्रा धाधां बिस्का: जात्रा जूगु धापू नं दु । न्ह्यागु धाःसां भीगु समाजय् च्याचा गुन्हुया बिस्का: जात्राया थःगु हे महत्व दु ।

भीगु अप्ठे जात्रापरव वा नखःचखः चन्द्रमासया ल्याखं तिथिइ न्याय्की । तर ख्वपया बिस्का: जात्रा धाःसा सौर्यमासया ल्याखं न्याय्कावःगु दु । सौर्यमासया ल्याखं दै क्वचाय् प्यन्हु न्हयः तःमारिइ भैरवनाथया रथ सालेगु याइ । थ्व हे लिसें जात्राया शुरुवात जुइ । दैया लिपागु दिनय् ख्वपया यःसिंख्यलय् यःसिं थनेगु याइसा न्हूगु दैया दिनय् क्वथलेगु याइ । वयां लिपा न्हूगु दैया न्यान्हुगु दिनय् हाकनं तःमारिइ रथ साला जात्रा क्वचाइ ।

रथ जात्राया थःगु रैनकता ला दुगु हे जुल । बिस्का: जात्राया यःसिंया महत्व अहं विशेष धाय्माः । ५५ कु तजाःगु यःसिनय् नाग व नागिनीया प्रतिकया रुपं पताः तयाः, अष्टमातृकाया प्रतिकया रुपय् च्यापु रिखपतं चिनाः क्वय् कैचीं सन्तुलन ताःलाकु लाकु हःस्ते हाँस्ते यायां यःसिं थनीगु व लु स्वय् उलि हे रोमान्चक जू ।

रथ जात्रालिसे ला भैरवनाथया तप्यक हे स्वापू खनेदुगु जुल । यःसिं थनीबलय् नं रथयात यःसिंख्यलय् सालार्यकाः भैरवनाथयात नं यःसिं थनीगु जात्रा क्यनेमाः । बिस्का: जात्रा व भैरवनाथया स्वापूया विषय समाजय् छुपु न्हयइपुगु किम्वदन्ति प्रचलित दु । गुलिसिनं थुगु किम्वदन्तियात बाखं जक खः धकाः नं धाय्गु याःसा गुलिसिनं थुकियात बिस्का: जात्राया ईतिहासया रुपं नं काय्गु याः ।



ख्वपया बिस्का: जात्रायात स्वापू दुगु छगू किम्वदन्ति :

यक्व हे दै न्हयःया खँ खः । उगु इलय् हलिमय् गनं न मजुइगु अजुचायापुगु जात्रा यःसिं थनेगु जात्रा ख्वपया यःसिंख्यलय् मेष संक्रान्ति खुन्हुया छन्हु न्हयः धुमधाम नक्सां जुइ धयागु खँ काशिया श्री भैरवनाथया न्हायपनय् थ्यन । थ्व खँ सीवं भैरवनाथ स्वयम् मनुया रुप कयाः जात्रा स्वयगु ताःतुनाः ख्वपय् बिज्यात । जात्राकुन्हु यःसिंख्यलय् अजङ्गु छमा सिमाया सिंयात हयाः उकीइ अष्टमातृकाया प्रतिकया रुपय् च्यापु बल्लाःगु रिखपतं चिनाः च्याखेरं म्वःम्वः मनुत मुनाः हःस्ते हाँस्ते हःस्ते हाँस्तेया सः गुञ्जायमान याना फुमफु धस्वाकेत स्वयाच्चन । मनुया रुप कयाः जात्रा स्वःबिज्याःम्ह काशिया श्री भैरवनाथ जात्रा स्वयाः मन हे जुयाच्चनाबिज्यात । जात्रा धुमधाम नक्सां न्ह्याना हे च्वन ।

जात्रा स्वःवईपिं यक्व हे जात्रालुतय् हुलय् छम्ह तान्त्रिक नं वयाच्वंगु जुयाच्चन । उम्ह तान्त्रिकया मिखां मदिकक हे श्री भैरवनाथयात लिनाच्वंगु जुयाच्चन । जात्राया हुलय् वयाच्वम्ह भैरवनाथ रुपी न्हूम्ह मनु मेपिं स्वयां तःधिकः जूगुलिं उम्ह तान्त्रिक श्री भैरवनाथयात लिनाच्वंगु जुयाच्चन । व मनुया धिकःया कारण वया छ् यं छगः उलिमलि मनुतय् हुलमुलय् न तापाक्किनिसें नं यचुक हे खनेदयाच्चन । हानं वया ख्वाःया चमक न मेपिं स्वया भचा बिस्कं हे खनेदु, आकर्षक खनेदु । सु जुइ थ्व मनु ?? धकाः कौतुहलतावश तान्त्रिक मदिकक वइत हे जक स्वयाच्चन, स्वयाच्चन ।

लिपा जूबलय् उम्ह तान्त्रिक उम्ह मनुयात थःगु मिखां जक स्वयां मगानाः तान्त्रिक बलं हे स्वयाहल ।

**बिस्का: जात्रायात बारे थीथी खँ दु । विश्वकेतुया अपभ्रम्स जुयाः बिस्केत जूगु व उकिं हे बिस्का: जूवंगु नं धाय्गु याःसा बि (सर्प) सिकाःलि याःगु जात्रा बिसिका: जात्रा धाधां बिस्का: जात्रा जूगु धापू नं दु । न्ह्यागु धाःसां भीगु समाजय् च्याचा गुन्हुया बिस्का: जात्राया थःगु हे महत्व दु ।**

तान्त्रिक बलं स्वःबल वं थ्वय्क साधारण मनु मखसें स्वयं काशिया श्री भैरवनाथ मनुष्यया रुप कयाः जात्रा स्वः बिज्याःगु धकाः तान्त्रिक थुइकाकाल । भगवान स्वयं थःगु न्हयःनेसं दनाः जात्रा अवलोकन याना बिज्यानाच्वंगु धइगु खँ सीवं व तसकं लय्ताल । वं मिखा तिसिनाः मनमनं श्री भैरवनाथयात प्रणाम यात । प्रणाम यायां वं न्हिनय् हे छगू न्हयइपुगु म्हगस म्हकल । 'आहा धाथे भगवान श्री भैरवनाथयात न्ह्याब्लें थन हे तय्फुसा ला तसकं हे बांलाइ नि', थथे माकूगु म्हगस म्हकाः वं श्री भैरवनाथयात तारण तयाः बन्धनय् चीगु कुतः यात ।

जात्रा स्वयाः मन जुयाच्चनाबिज्याःम्ह श्री भैरवनाथ थःत तारण तःगु वाःचाय्कल । 'आः थन च्वनां खइमखुत' थथे बिचाः यायां श्री भैरवनाथ फताफत यःसिंख्यलं पिहाबिज्यात । तान्त्रिक नं थःगु तारण बल्लाक्क तय्त श्री भैरवनाथया लिनाः ल्यूल्यु ब्वाँय् ब्वाँय् वन । थःत ल्यूल्यु तान्त्रिक ब्वाँय् ब्वाँय् वःगु खनाः श्री भैरवनाथ नं भन ब्वाँय् ब्वाँय् बिज्यात । निम्हं तःमारिइ थ्यन । थःत

तान्त्रिकया तारणया प्रभाव यक्व हे लाय्धुंकूगु भैरवनाथं वाःचाय्कल । अले भैरवनाथं थथे ब्वाँय् वनाः जक मजिल, आः ला पाताल मार्गं हे बिस्कुं वनेमाल, मखुथे जुइन थन धकाः श्री भैरवनाथ अन हे तःमारिइ जमिनय् दुसुनाबिज्यात । थःगु तारणया बलं कस्सिक चीमफूगु अले श्री भैरवनाथ जमिनय् दुसुना बिज्याःगु खनाः थःगु म्हगस पूवनीमखूगु ताय्काः तान्त्रिक ग्यानाः जमिनय् दुसुनाच्वम्ह श्री भैरवनाथयात सालेगु भरमदुर कुतः यात । श्री भैरवनाथ न्ह्याथे यानाः सां दुसुनाः थनं बिस्कुं वनेगु अले तान्त्रिक धाःसा न्ह्याथे यानाः सां श्री भैरवनाथयात थन हे तय्गु धकाः सालाच्चन । निम्हेसिया दथुइ छगू कथं धाय्, बिस्कुं वनेगु व चीगुलिइ धेधे बल्लाः हे जुयाच्चन अन । थ्व हे धेधे बल्लाखय् आखिरय् तान्त्रिकया ल्हातय् श्री भैरवनाथया छ्यं जक लात । जमिनय् दुसुनेधुंकूगु भैरवनाथया म्ह धाःसा काशिइ हे लिहां वनेत सफल जुल । भैरवनाथया छ्यं जक ल्हातिइ वःबलय् तान्त्रिकयात छु याय् छु याय् जुल । भैरवनाथया उगु छ्यंयात अन हे तःमारिइ स्थापना यानाः पूजा याय्गु यात ।

भैरवनाथया व हे छ्यं धकाः विश्वास यानातःगु द्यः तःमारिइ आःतकं दनि । अले बिस्का: जात्रा स्वःवःम्ह उम्ह हे भैरवनाथ भाःपा: ख्वपमितयूसं थौतलें पूजा नं यानावःगु दु । ख्वपया तःमारिइ न्यातपौ देगः लिक्क च्वंगु स्वतजाःगु प्यागोडा शैलीया देगलय् बिराजमान थ्व हे श्री भैरवनाथया छ्यं खः । धाइ काशिया बिस्वनाथया शीर श्री भैरवनाथया रूपय् नेपालय्, काशिइ ककुं क्वय्या छाति, प्वाः म्हाया ब्व जक अले वयां क्वय्या ब्व दक्षिण भारतया त्रिब्यण्डरम् धाःगु थासय् दु ।

श्रमिकहरूको मौलिक अधिकारको सम्मान गरौं ।

सबै प्रतिष्ठानहरूले न्यूनतम पारिश्रमिक प्रदान गर्न

आनाकानी नगरौं ।



नेपाल सरकार

सञ्चार तथा सूचना प्रविधि मन्त्रालय  
सूचना तथा प्रसारण विभाग





ताम्रकार समाज थःगु स्वर्ण जयन्ती यलय् छगू ज्याइवः यासैं हंगु दु । समाजया जेष्ठ नागरिक सम्मान उपसमिति व शिक्षा उपसमितियाखें ताम्रकार समाज भवन जावलाख्यलय् ग्वसाः ग्वःगु गु ज्याइवलय् नवासें नेवाः देय् दबूया नायः नरेश ताम्रकार नेवाः मुद्दा अले आन्दोलनयात सशक्त ढङ्गं न्ह्येने यंकेत ताम्रकार समाजया योगदान उच्च दुगु धयादिल । ताम्रकार मांभाय्या संरक्षण विना थःगु पहिचान ल्यंकेमफइगु खँय् बः ब्युसें थौंया विद्यार्थी थःगु मांभाय्या रक्षा

यायेत न्ह्यज्याय्माःगु बिचाः तयादिल । समाजया नायः रविन्द्र राज ताम्रकार कोरोना भाईरस संक्रमण जोखिमया अवस्थां यानाः समाजया स्वर्ण जयन्ती तःजिगु ज्याइवः यानाः हनेमफूगु जानकारी बियादिल । थःगु भाषा, कला, संस्कृति सम्पदाया संरक्षण सम्बर्द्धनय् समाज न्ह्याबले न्ह्यज्यानाच्च्वंगु दुगु धयादिल । उगु हे ज्याइवलय् ताम्रकार समाजपाखें ज्याःजक्व क्वचाःपिं ३५ म्ह जेष्ठ नागरिकयात हंगथु नं खः । देय्

दबूया नायः व समाजका नायक दोसल्ला न्यय्काः जेष्ठ नागरिकयात विशेष सम्मान याःगु खः । अथे हे, समाजपाखें एस.ई.ई, उच्च मावि, स्नातक, स्नातकोत्तर तह उत्तीर्ण जूपिं करीब १२५ विद्यार्थीतयूत नं टूफि व कदरपत्रया नापं नगदलिसें सम्मान याःगु खः । समाजका पूर्व नायःपिं धर्मकृष्ण ताम्रकार, श्याम गोविन्द ताम्रकार, निवर्तमान नायः अच्युत कृष्ण ताम्रकार अले वर्तमान नायः रविन्द्र राज ताम्रकार विद्यार्थीतयूत टूफी, कदर पत्र अले नगद लःल्हानादिल ।



## यैँ महानगर प्रमुख व उपप्रमुखया भव्य सम्मान

यैँ महानगरपालिका मातहतया स्कूलय नेपालभाषा माध्यम स्थानीय पाठ्यक्रम 'यैँ देय् म्हसीके' लागू याना: पठनपाठन न्यायाकू धासैँ मैय महानगरपालिकाया मेयर विद्यासुन्दर शाक्य व उपमेयर हरिप्रभा खड्गी श्रेष्ठयात यैँ नागरिक अभिनन्दन या:गु दु। नेवा: पत्रकार राष्ट्रिय दबू यैँ जिल्ला मंगलबा: यैँया बसन्तपुलिङ्ग छगू भव्य समारोह यासैँ मेयर शाक्य व उपमेयर खड्गीयात अभिनन्दन या:गु ख:। स्थानीय सरकार थ: महातहया स्कूलय थ:गु छगू विषय बन्केदइगु अधिकार संविधान ब्युगु कथं यैँ महानगरपालिका 'यैँ देय् म्हसीके' पाठ्यसफू दयेका: उगु सफू बन्केगु निति सहायक प्रशिक्षक नियुक्तिया प्रक्रिया न्यायकेधुंकूगु दु। ज्याइवलय उपप्रधानमन्त्री ईश्वर पोखरेल मेयर शाक्य व उपमेयर खड्गीयात दोसल्ला न्ययका: हनापौ ल:लहानादिल। लिसैँ थीथी संघसंस्था व खल:पुचल नं हनापौ लिसैँ थीथी देखा ल:लहसैँ शाक्य व श्रेष्ठयात थ:थ:गुपाखे नं सम्मान या:गु ख:।

नुग: खैँ तयगु इवलय उपप्रधानमन्त्री पोखरेल नेवा: तजिलजि व नेपालभाषा नेपा:या सांस्कृतिक म्हासिकायात तफा: दय् कूगु धासैँ थुक्तिया संरक्षणय सकलैँ जायमा:गु धयादिल। 'आ: जि नं नेपालभाषा सय्के,



वइगु निदँ स्वदैया हे दुने जिं नेपालभाषा ज्याइवलय सम्बोधन याय् उपप्रधानमन्त्री पोखरेल प्रतिवद्धता प्वकादिल। अथे हे शिक्षा विज्ञान तथा प्रविधिमन्त्री कृष्ण गोपाल श्रेष्ठ देय्या बहुलभाषा व संस्कृतिया संरक्षणय सरकार प्रतिवद्ध दुगु दावी यासैँ यैँ महानगरपालिकापाखे मेमेगु स्थानीय तगिम सय्केमा:गु बिचा: तयादिल। जनकवि दुर्गालाल श्रेष्ठ नेपालभाषा आन्दोलनय ता: ई न्यय:निसैँ थ:पिन्सं मातृभाषा शिक्षाया माग यानावयागु खैँ न्ययथसैँ आ: वया: उगु माग पूवनेत्यगु अनुभूति थ:त जुयाच्वंगु धयादिल। वसन्तपुरय सम्मान ज्याइव: स्वयां न्यय: थीथी बाजंगज व भाँकीलिसैँ

च्याली पिकाना: मेयर शाक्य व उपमेयर खड्गीयात देय् चा:हिका: वसन्तपुर ह:गु ख:। अभिनन्दन ग्रहण यासैँ मेयर शाक्य भाषा धइगु नं सभ्यताया छगू महत्वपूर्ण पक्ष ख:गु व मचातयत भाय् लहाकेफ:सा जक भाय् ल्यकेफइगु धयादिल। यैँ महानगर दुने भाषा, कला, संस्कृति, सम्पदाया संरक्षणय यैँ महानगरपालिका निरन्तर न्या:वनाच्वंगु व थ्व खयलय गनं छुं यायमा:गु ल्यं दनिगु जूसा व ज्या पूर्वकेत महानगरपालिका तयार दुगु शाक्य धयादिल। पत्रकार दबू यैँ जिल्लाया नाय: अर्विनमान सिंह स्थानीय सरकारया पाय्छि व बांला:गु पलाखय जिल्लापाखे साथ दइगु प्रतिवद्धता प्वकादीगु ख:।

## प्रज्ञा प्रतिष्ठानय महाकवि गिरिजाप्रसाद जोशीया बुदिं

महाकवि गिरिजाप्रसाद जोशीया ८३ क्व:गु बुदिं नेपाल प्रज्ञा प्रतिष्ठानय छगू विचार गोष्ठी यासैँ हंगु दु। प्रज्ञा-प्रतिष्ठानया ग्वसालय महाकविा ब्यक्तित्व व कृतित्वया थीथी आयाम विषयक विचार गोष्ठी जुगु ख:। ज्याइवलय साहित्यकार शरद कसा: नं मू विषयस ज्यापौ न्ययब्वयादीगु ख:। वय्कल न्ययब्व:गु ज्यापौ न्ययब्वसैँ साहित्यकार कसा: नं महाकवि जोशी नेपालभाषा मांभाय सम्बर्द्धन व उन्नतिया निति हरेक इलय चिन्तित व सचेतम्ह भाषासेवी कथं न्ययब्वयादीगु ख:। कसाल न्यायब्वयादीगु ज्यापौयात कया: समालोचक पूर्ण ताम्राकार टिप्पणी यासैँ महाकवि जोशी नेपालभाषां



दकलय अप्व: सफू च्व:म्ह ब्यक्तित्वया रूपय खनेदुगु धयादीगु दु।

ज्याइवलय प्रज्ञा प्रतिष्ठानया उपकुलपति जगमान गुरुड, कुलपति गंगाप्रसाद उप्रेती, न्हापांम्ह मिसा उपन्यासकार शशीकला मानन्धरया नं उपस्थिती दुगु ख:।

## टेबलटेनिस कासामि महर्जनया एन्निज पिंगपंग क्लब

राष्ट्रिय टेबलटेनिस कासामि अनिता महर्जन एन्निज पिंगपंग क्लब न्यायाकादीगु दु। वर्ल्ड टेबलटेनिस डेया अवसर लाका: महर्जन थ: अबु कान्छाकाजी महर्जन व मां बांला: मयजु महर्जनया ल्हात क्लबया शुरुवात यानादिल। थ:गु हे छैँय यैँया सामाखुसिइ सरकारी धाराय स्थापित क्लब छुं ई न्यय: हे संचालनय वयधुंकूगु ख:सां

औपचारिक रूप धा:सा आ: तिमि उलेज्या जुगु ख:। राष्ट्रया निति योगदान बीगु आज्जु क्लब स्थापना यानागु महर्जन धयादीगु दु।

वंगु १५ दँ न्यय:निसैँ टेबलटेनिस म्हिताच्वम्ह महर्जन थौकन्हय सशस्त्र प्रहरी बलय आबद्ध दु। महर्जन लकडाउनया इलय कासामिपिन्त ग्वाहालि याना: समाजसेवाय नं सक्रियता क्यंगु ख:।

## 'किन आज...' या म्यूजिक भिडियो सार्वजनिक



नेपालभाषाया लोकन्हा:गु सकिपा जामन: गुभा:जुया निर्देशक रवि सायमिया निर्देशनय न्हूगु नेपाली म्यूजिक भिडियो सार्वजनिक जूगु दु। यैँय जूगु ज्याइवलय सायमिया निर्देशनय प्रभानन्द वैद्य हालादीगु म्ये 'किन आज...' या भिडियो सार्वजनिक जूगु ख:। वरिष्ठ ख्यालि कलाकार सन्तोष पन्त म्येया लोकार्पण यानादिल।

ज्याइवलय नवासें वरिष्ठ कलाकार सन्तोष पन्त उद्योग व्यापार क्षेत्रय स्थापित व्यवसायी प्रभानन्दया गायन प्रतिभाया प्रशंसा यानादिल। सार्वजनिक जूगु म्ये हालादीम्ह प्रभानन्द नेविको कम्पनीया निर्देशक ख:। म्यूजिक भिडियोस अभिनय या:पिं

न्हूपिं कलाकारपिन्त मेहनत याना: क्षेत्रय न्याया:वनेत कलाकार पन्त भित्तुनादिल। म्येया च्वमि व लयचिनामि महेश राज थापां म्येहालामिं थ:गु भावप्रति न्याय या:गु बिचा: तयादिल। अथे हे, निर्देशक रवि सायमि थम्ह फक्व मेहनत याना: म्ये दयेकेधुंका: आ: दर्शकया ल:लहानाबियागु धयादिल। उगु हे ज्याइवलय म्ये दय्केत ग्वाहालि या:पिन्त मतिनाया चिलिसैँ सुभाय देखा:गु ख:।

म्यूजिक भिडियोस ग्रिस वैद्य व रजिजा डंगोल अभिनय यानादीगु दु। म्ये हाइटेक इन्टरटेनमेन्ट युट्युब च्यानलमार्फत सार्वजनिक या:गु ख:।

## पूर्वमन्त्री प्रयागराज सिंह सुवाल मन्त



प्रयागराज सिंह सुवाल मन्त नेपाली काँग्रेसया पुलांम्ह नेता नाप पूर्वमन्त्री प्रयागराज सिंह सुवाल ९३ दँय म्हिग: मन्त। वयक: यैँ महानगरपालिकाया पूर्व मेयर नं जुयादी धुकुम्ह ख:। वयक: थ:गु हे छैँय ओमबहालय मदुगु ख:। वयकयात ताइलिसैँ उच्च रक्तचाप व जलास्यैय सम्बन्धि समस्या जुयाच्वंगु ख:। २०१० सालय जूगु यैँय नगरपालिकाया न्हापांगु निर्वाचनय वयक: नगरउपसभापति (उपमेयर) यू निर्वाचित जुयादिगु ख:सा: यैँय नगरपालिकाया निर्वाचनय वयक मेयरय निर्वाचित जुयादिगु ख:। सुवाल वि स २०३० सालय नगेन्द्रप्रसाद रिजाल प्रधानमन्त्री जुयादिगु इलय यातायातमन्त्री जुयादिगु ख:।

## न्यााइगु...

तालीम क्वचायाकथं प्रशिक्षण सहायकपिन्सं थ:थ:गु नियुक्ति जूगु स्कूलय वना: बन्केज्या न्यायाकी। तालीमय सहभागी अप्व: धइथे प्रशिक्षण सहायकपिं स्थानीय विषय बन्क: वनेत उत्साहित जुयाच्वंगु दु। वयक:पिंमध्ये गुलिसित ला बन्केगु ज्या न्हूगु मखु। पद्मकन्या क्याम्पसय नेपालभाषा विषय कया: ब्वना: भा:म्ह लिसैँ शिक्षकया पुलांगु अनुभव दुम्ह रमा शाक्य नं थुगु प्रशिक्षण सहायकया तालीमय दी। वयक: जनप्रभात मा.वि.या पुचलय दु। प्रशिक्षण सहायकया अन्तर्वाताया छुं

दिं न्यय: वयक: थ:गु छैँ क्वय दया: तुति प्लास्टर हे यायमाल। तुतिइ प्लास्टर दय्क हे वयक: अन्तर्वातिय नं थ्यन सा उकी नां पिहां वयधुंका: आ: नं प्लास्टर यानात:गु तुति हे चुया: छन्हु हे त्व:मफिकुसे तालीमय थ्यनाच्वंगु दु। वयक:यात बन्केगु ज्या न्हूगु तायाच्वंगु मदु। न्हूगु पाठ्यक्रम, न्हूगु विषय बन्केमा:गु जूगुलिं उकी एकरूपता हयमा:गु लिसैँ न्हूगु पाठ्यक्रमया विषयवस्तुयात दुयक थुइकेमा:गु आवश्यकता वयकल बांलाक थू। अथेजुया: तुति भवा दु:ख सीमा:सां तालीम त्व:मफिकागु वयकल धयादिल।

थुगुसी न्यानाच्वंगु शैक्षिक सत्रया ई आपा: ल्यं मदयधुंकल। कोभिड महामारीया कारण दक्व विषयया बन्केज्या प्रभावित जूगु दु। व हे ल्याखं स्थानीय विषय जक थुकिं छखे लाइगु ला खैँ मन्त। थ्वयां न्यय: नं महानगरपालिकापाखे न्यानाच्वंगु मेट्रो एफ एमय नेपालभाषां बन्केगु ज्या जूगु दु। अआ: ल्यं दुगु छुं ई स्थानीय विषयया पठनपाठन न्यायायत्यंगु दु। पठनपाठन बांलाक जुइमा, प्रशिक्षण सहायकपिन्सं स्थानीय विषयया पठनपाठन प्रभावकारी ढङ्ग न्यायाका: विद्यार्थीतय दथुइ थुगु विषयया आवश्यकता दय्केफयमा, भित्तुना।

## विद्यार्थीपिन्त छात्रवृत्ति ल:ल्हात

नन्दी विद्यार्थी कल्याण कोषपाखे विद्यार्थीपिन्त छात्रवृत्ति ल:ल्हा:गु दु। वंगु शनिबा: छगू ज्याइव: यासैँ किवानिज इन्टरनेशनलया नेपालया ग्वाहालिं कोष विद्यार्थीपिन्त छात्रवृत्ति ल:ल्हा:गु ख:। ज्याइवलय कोषया न्वकू राजेन्द्रमान डंगोल कोष व कोष यानाव:गु ज्याखैँया बारे जानकारी याकादिल।

अथे हे, कोषया नाय: लक्ष्मण लमसालं सुं नं मचात कमजोर आर्थिक अवस्थाया हे हुनि शिक्षां बन्चित जुइम्वा:लेमा धइगु थ:पिनिगु आज्जु ख:गु धयादिल। यैँ महानगरपालिका वडा नम्बर १ या वडाध्यक्ष भरतलाल श्रेष्ठ समाजपाखे थज्या:गु ग्वाहालि दयाच्वन धा:सा देय् शिक्षाया जलं जहां थीगु धासैँ कोषया ज्याया प्रशंसा



यानादिल। ज्याइवलय नन्दी मा.वि.या प्रधानाध्यापक गीता काफ्ले, नन्दी रात्री मा.वि.या प्रधानाध्यापक मोहन प्रसाश शर्मा, कोषया सल्लाहकार लिसैँ संचालक समितिया नाय: तुलसी सायमि, किवानिज नेपालया डिस्ट्रिक्ट गभर्नर मोहन लमसाल लिसैँया उपस्थिती दुगु ख:।

**कोरोनाका उपचारार्थी सुन्तिल जुइल लकाकाउनका पूर्व कालका जालदिने**  
लकाकाउनका उपचारय न्हात आ:सा, एम्बुलेन्स आ:सा का छुं वं कर्षना उपचारयि  
आ:सा वदय बिचतइगु फोन नंवरनय उक्तू लकादिने

**एम्बुलेन्सका मिति : १०२**  
**राहत व जेनेयु ग्वाहालिन्का मिति : टोल फ्री नं. ११८० व ११३१**

१००% Vegetarian  
**Sweet Cave**  
Sweets, Nanikeen, Pastry, etc.

**(जीवन दाईया पसः)**  
Kalimati, Kathmandu, Nepal  
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।  
आउटडोर भेज क्याटेरीङ पनि गरिन्छ।

# भीगु सःया ५० ब्व लिसैं रेडियो ज्याइवः व अनलाइनया नं घोषणा

नाइस टेलिभिजनय् न्ह्यानाचवंगु नेपालभाषाया ज्याइवः ५० ब्व पूर्वगु लसताय् लसता हना ज्याइवः याःगु दु। ज्याइवल्य रेडियो नेसन १०३.९ स नेवाः ज्याइवः भीगु सः व भीगु सःया अनलाइन माध्यम वजभनगकबजाअक या घोषणा याःगु खः। ज्याइवल्य नेपाःया सकिपा ख्यःया भीष्म पितामह धयातःम्ह वरिष्ठ चलचित्रकर्मी नीर शाहं धधधावजभनगकबजाअक वेबसाइट चायुकाः उकिया उलेज्या यानादिलसा नेपाल चलचित्र संघका अध्यक्ष मधुसुदन प्रधानं भीगु



सः रेडियोया लोगो सार्वजनिक यासैं रेडियो ज्याइवःया घोषणा यानादिल।

नुगः खैं तयेगु इवल्य वरिष्ठ चलचित्रकर्मी शाहं नेपाःया सम्पदाया

महसीका नेवाःतयसं स्थापित याःगु खैंय बः ब्युसैं थुक्रिया संरक्षण व सम्बर्द्धनया निति नेवाः संचार ख्यलं भूमिका म्हितेमाःगु छ्याता बियादिल। चलचित्र संघका नायः प्रधानलिसैं नेवाः पत्रकार राष्ट्रिय दबूया नायः सुरजबीर बजाचार्यलिसैं नं भीगु सःयात भिन्तुना देखासैं थःथःगु नुगः खैं तयादीगु खः। अथे हे, भीगु सः पुचःया संरक्षक वरिष्ठ सिने पत्रकार विजयरत्न असंबरें नेवाः समाज, संस्कृति अले कलाया उत्थानया नितिं भीगु सः पुचः निरन्तर न्ह्यज्यानाचवनीगु धयादिल।

jheegusah.com या नायः बिराजकाजी राजोपाध्यायं स्थानीय समाचार स्थानीय समाजय् प्रभावकारी दयकेत थुगु अनलाइन न्ह्याकागु धयादिल।

भीगु सः रेडियोया कजि राजुराजदेव बजाचार्यया सभापतित्वय् जूगु ज्याइवल्य भीगु सः टिभि ज्याइवःया कजि राजीव राजोपाध्यायं लसकुस यानादीगु खः। ज्याइवल्य भीगु सः टिभि ज्याइवः थीथी कथं ग्वाहालि याःपिन्त सुभाय् देखासैं मतनाया चिं नं लःल्हाःगु खः।

Binod Maharjan  
9841369552, 9808644666

बि.आर्ट्स

**B. Arts**

Nayabazar, Kirtipur  
4335491, b.arts4335491@hotmail.com

- Banner, Flex Board
- Glow Sign Board
- Sticker Cutting / Printing
- Screens/ Rubber Print
- Self-ink/ Rubber Stamp
- PVC(ID)/ Visiting Card
- & all kinds of press works

नयाँ वर्ष २०७८  
को हार्दिक मंगलमय  
शुभकामना



खुसीको कामना गर्ने भनेको आफ्नैले त हो नि !

नयाँ वर्ष २०७८ को पावन अवसरमा यहाँको सुख, शान्ति, समृद्धि तथा उत्तरोत्तर प्रगतिको कामना गर्दछौं।

आफ्नो भनेको आफ्नै हुन्छ



राष्ट्रिय वाणिज्य बैंक लि.  
RASTRIFA BANJYA BANK LTD.

नेपालबैंकबाट क वर्गको इजाजतपत्रप्राप्त संस्था

...तपाईंको आफ्नै बैंक

राष्ट्रिय वाणिज्य बैंक लि. केन्द्रीय कार्यालय, सिंहदरबारप्लाजा, काठमाडौं  
फोन: ९७७-१-४२५-२५९५ | फ्याक्स: ९७७-१-४२५-२९३९ | rbb.info@rbb.com.np | www.rbb.com.np

वि.सं. २०७८ न्हूदँया भिन्तुना !



दंक, न्ह्यइपुसे च्वक व याउँक भव्य न्यायकादी माःसा जिमित लुमंकादिसैं। थन तालिम, गोष्ठी, सेमिनारया नितिं हलया सुविधा नं उपलब्ध दु।



**उग्रचण्डी कमप्लेक्स**

ताम्रकार समाज भवन

जावलाख्यः यल। फोनः ५५४९४१२, ५००९२३९

दीन, दुखी व असहायपिन्त निःशुल्क स्वास्थ्य सेवा प्रदान।  
दानी, सुखी व सम्पन्नयात सशुल्क स्वास्थ्य सेवा वरदान।।

**छत्रपाटी निःशुल्क चिकित्सालय (अस्पताल)**

स्तरीय सुलभ स्वास्थ्य सेवा सकसिया निमित्त, असहायपिन्त जक निःशुल्क

**उपलब्ध सेवा**

**२४ सै घन्टा सेवा**

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंगा सेवा

**शल्यक्रिया**

- मोतिबिन्दु
- जनरल सर्जरी
- नहायपं, नहाय, जापः
- हाड जोर्नी नशा
- पिसाव नलीया पत्थर
- बिना चिरफार

**बहिरङ्ग सेवा**

- मुटु ल्वय
- प्वाःया ल्वय
- युरोलोजी
- मिसा ल्वय
- मचा ल्वय
- वाया ल्वय
- मिसा ल्वय
- जनरल मेडिसिन
- चर्म तथा यौन ल्वय
- नहायपं, नहाय, जापःया ल्वय
- जनरल हेल्थ चेकअप
- थाइराइड व मधुमेह ल्वय
- चिकित्सा मनोरोगविद
- परामर्शदाता सेवा

**अन्य सेवा**

- ड्रेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला



**२४ घण्टा  
ईमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९९९, ४२६६२२९, E-mail: cfclinic@mail.com.np, www.free-clinic.org.np